

Visoki predstavnik uvjerava međunarodnu zajednicu da će se reforme u BiH nastaviti

Visoki predstavnik, Paddy Ashdown, završio je u četvrtak dvodnevnu posjetu Sjedinjenim Državama. Visoki predstavnik se u srijedu obratio Vijeću sigurnosti UN-a, pored specijalnog predstavnika generalnog sekretara UN-a za BiH, Jacquesa Paula Kleina, a u četvrtak se susreo sa visokim zvaničnicima američke administracije iz Pentagona, State Departmenta i Trezora.

Poruka visokog predstavnika i u New Yorku i u Washingtonu bila je trostruka:

- Prvo, da razuvjeri Vijeće sigurnosti i američku administraciju da izbori od 5. oktobra ne predstavljaju povratak na 1990. godinu, i da nema razloga da BiH ne nastavi dalje putem reforme. Visoki predstavnik je rekao pred Vijećem sigurnosti da će se postarati da stranke ispune obećanja da će provoditi reformu kako su govorile u toku predizborne kampanje.
- Drugo, da zastupa stav da, u vrijeme kada se međunarodna pažnja sve više i više preusmjerava na Irak, međunarodna zajednica, uprkos tome, mora i dalje održavati političku volju da dovrši svoj posao u Bosni i Hercegovini.
- I treće, da naglasi da će i OHR, po uzoru na uspješan primjer UN-a, raditi na strategiji tranzicije u BiH, a ne strategiji povlačenja.

Visoki predstavnik je izjavio pred Vijećem sigurnosti i američkom administracijom da OHR ima jasan cilj da BiH postavi na održiv put ka državnosti i konačnom članstvu u Evropskoj Uniji.

Nakon ovog postignuća, OHR će predati ovlasti ojačanoj misiji

Evropske Unije, kao i samim institucijama Bosne i Hercegovine.

Izlazeći sa sjednice Vijeća sigurnosti UN-a, visoki predstavnik je izjavio: "Povlačenje posljednje misije UN-a iz Bosne i Hercegovine u decembru označava kraj jedne ere i predstavlja značajan uspjeh za UN, kao i za samog specijalnog predstavnika generalnog sekretara UN-a, Jacquesa Paula Kleina. Međutim, kako sam izvjestio i Vijeće sigurnosti UN-a, predstoji još dosta posla. Stoga sam veoma ohrabren jednoglasnom podrškom koju sam primio od Vijeća za program reforme "Posao i pravda", kao i za našu strategiju za uređenje situacije u vlasti BiH i za napore da se od BiH načini funkcionalna država".